

NORMAS INTERNAS DE USO E FUNCIONAMENTO DOS CAMPOS DE FÚTBOL MUNICIPAIS.

As presentes normas serán de obrigado cumprimento para todas aquelas entidades, colectivos e/ou persoas físicas que teñan concedida a utilización de Campos de Fútbol Municipais.

O obxecto desta normativa é garantir que se realice un correcto uso destes recintos ao efecto de colaborar entre todos a manter as instalacións nunhas óptimas condicións de funcionamento.

O uso das instalacións deportivas municipais está suxeito á aplicación da ordenanza fiscal 4.27 "PREZO PÚBLICO POLA PRESTACIÓN DE SERVIZOS E REALIZACIÓN DE ACTIVIDADES NAS INSTALACIÓNS DEPORTIVAS MUNICIPAIS".

→ **HORARIOS DE APERTURA**

O horario-tipo de apertura dos campos de fútbol municipais é o seguinte:

De luns a venres, de 17 a 23 horas

Sábados e Domingos, de 9 a 22 horas.


Os festivos, salvo competición oficial e autorización expresa do Departamento de Deportes, as instalacións estarán pechadas.

As excepcións a este horario son as seguintes:

- ♣ Os campos de fútbol de terra de Grixoa e Marrozos e o Estadio Municipal de San Lázaro.
- ♣ Este horario poderá sufrir alteracións nas épocas vacacionais e naqueles supostos concretos que previamente se autoricen por parte do Concello de Santiago.

→ **NORMAS DE ACCESO AO RECINTO**

Unicamente poderán acceder ao recinto deportivo os colectivos e usuarios que teñan concesión expresa por parte do Concello de Santiago. Independentemente desta circunstancia, o conserxe da instalación poderá denegar a entrada ao recinto aos deportistas e clubs concesionarios —incluso suspender a actividade unha vez iniciada— se considera que existe algunha



circunstancia extraordinaria que ao seu criterio o aconselle (exemplo: deterioros na zona de xogo e/ou nos vestiarios, ...).

Os usuarios deberán seguir as observacións e requirimentos do persoal a cargo das instalacións, estando obrigados a cumprir as presentes normas. Os comportamentos inadecuados e/ou vándalicos contra calquera dos elementos do recinto deportivo ou contra outros usuarios, suporá a expulsión inmediata da persoa ou persoas implicadas.

O Concello de Santiago resérvase o dereito a anular ou suspender calquera reserva se fora necesario, situación que se comunicaría coa máxima antelación á persoa e/ou colectivo afectado.

Non está permitido a entrada de animais, salvo no caso concreto dos cans guía.

Non está permitido comer pipas no entorno do terreo de xogo, podendo extenderse esta limitación a máis espazos do recinto, nin acceder con envases de vidro e/ou cristal, botes ou calquera outro tipo de recipiente contundente.


→ **VESTIARIOS**

Aos vestiarios poderán acceder unicamente os deportistas dos clubs e/ou colectivos que teñan concesión de uso da instalación, o corpo técnico e/ou profesores, os árbitros nos casos de competición oficial e, puntualmente, algún membro da Xunta Directiva dos colectivos con concesión e que debidamente se acredite.

O acceso a vestiarios realizarase con **25 minutos de antelación** á hora de uso reservada e con **50 minutos de anticipación** no caso concreto de actividades de competición-base (partidos oficiais), coas excepcións que a nivel federativo se comuniquen.

En ningún caso, poderán acceder nenos ou nenas de forma puntual sen que estea presente na instalación o adestrador ou persoa responsable do grupo.

Excepcionalmente, aqueles clubs que estean a traballar con nenos ou nenas menores de 9 anos, permitirase que **un adulto acompañe a un neno/a** aos vestiarios sempre que a entidade da que dependa o autorice. Os grupos de nenos e nenas de 9 anos ou maiores accederán en presenza unicamente dos adestradores. Situacións especiais respecto desta norma serán valoradas de forma puntual no Departamento de Deportes.



**CONCELLO DE
SANTIAGO**

Departamento de Deportes

Durante o uso dos vestiarios por grupos ou equipos de persoas menores de idade será obrigatorio a presenza na instalación dun adulto responsable ata que se abandonen.

Está prohibido cambiarse en zonas tales como pasillos, aseos e, en xeral, en calquera outra dependencia que non sexa un vestiario.

Finalizada a actividade, os deportistas deberán de abandonar os vestiarios no prazo máximo de 25 minutos.

Recoméndase o uso de chanclas para ducharse e circular polos vestiarios.

Por motivos de seguridade, non se permitirá o uso de aparatos eléctricos.

Por cuestións de hixiene, non se permitirán as seguintes accións persoais dentro dos vestiarios: depilarse, afeitarse, cortarse as uñas e similares. Tampouco está permitido comer.

Está totalmente prohibido xogar cos balóns dentro dos vestiarios.

→ **TERREO DE XOGO**


É importante lembrar que o coidado e mantemento dos recintos empeza por un mesmo.

Todos os deportistas, adestradores e demais colaboradores que estean co campo durante a actividade deberán de ter calzado deportivo e indumentaria adecuada, estando prohibido o uso de botas con tacos metálicos nos campos de herba sintética. Non se permitirá o acceso con calzado da rúa.

Está totalmente prohibido tirar calquera tipo de lixo.

Non se poderán manipular os equipamentos deportivos existentes nas instalacións sen autorización do conserxe e sen que este estea presente. Está totalmente prohibido desanclar as porterías de fútbol 7 e colgarse delas.

→ **OUTRAS CONSIDERACIÓNS**



Os Clubs e entidades con concesión de uso de instalación para toda a tempada deberán de cumprir a normativa específica e circulares adicionais que no seu momento se lles remita por parte do Concello de Santiago e que se consideran complemento ás presentes normas.

Os horarios e días reservados para a unha entidade son intransferíbeis, non podendo cederse a outro equipo, nin compartirse con outro club. As situacións puntuais sobre este respecto que se dean ao longo da tempada deberán de ser solicitadas por escrito e precisarán da autorización do Departamento de Deportes.

A entidade poderá perder a súa reserva de instalación se de forma reiterada e non xustificada:

1. Non fai uso da mesma.
2. Asiste cun número moi reducido de deportistas, inferior a 8/9.
3. Incumpre de forma reiterada cos horarios concedidos para a tempada.
4. Incumpre algunha das normas recollidas neste documento.


Os danos ocasionados na instalación ou en calquera dos seus elementos polos deportistas e usuarios en xeral, como consecuencia de actos negligentes ou de accións vandálicas, deberán de ser asumidos e compensados pola persoa ou persoas implicadas. No caso concreto de actividades vinculadas con Clubs deportivos, considerarase á entidade a responsable subsidiaria quedando obrigada a repoñer os danos producidos. A reiteración deste tipo de comportamentos ao longo da tempada suporá a automática anulación de todas as horas de uso das que dispoña a entidade, con independencia do equipo ou persoa que cometa a infracción.

Co fin de contribuír a garantir a seguridade de todos os usuarios das instalacións, os xogadores, adestradores e deportistas en xeral deben informar aos conserxes dos desperfectos ou anomalías que observen nos diferentes espazos das instalacións e, moi especialmente, nos equipamentos deportivos que están a utilizar (porterías de fútbol e fútbol 7).

O Concello de Santiago recomenda a todos os deportistas que pasen un recoñecemento médico previo co fin de garantir a súa saúde.

O Concello de Santiago non se fai responsable dos obxectos extraviados, sustraídos ou esquecidos nos vestiarios ou no interior da instalación. Recoméndase non introducir no recinto obxectos de valor.

O Concello de Santiago declina toda responsabilidade das lesións que puideran producirse derivadas da práctica deportiva. Enténdese que no momento de facer uso da instalación os usuarios manifestan estar aptos para realizar actividade físico-deportiva.



**CONCELLO DE
SANTIAGO**

Departamento de Deportes

Na conserxería das instalacións hai follas de incidencias e queixas a disposición dos interesados.

Para calquera información, dúbida ou suxestión respecto do uso e funcionamento destas instalacións deberán dirixirse ao Departamento de Deportes do Concello de Santiago, situado no Estadio de San Lázaro, porta 1.
Teléfono: 981 528 730, de luns a venres, de 9 a 14 horas.
Enderezo de correo electrónico: dptodeportes@santiagodecompostela.org

OUTROS TELÉFONOS DE INTERESE:

Bombeiros	080 /
Policía Local	092 / 981 542 323
Emerxencias	112
Cruz Vermella	981 586 969